

Ukanikorongi u Bulus u Kagita Ubana Ara Timoti

Ukukpa u kadyanshi

Bulus korongu ta ukanikorongi u na vi ubana ara Timoti. Timoti tsu walasa ta n Bulus maco n a yanyi manyan ma utonusuko ama ukuna u Yesu. A'ayin a ukorongu ukanikorongi u na vi, cina Timoti n u yanyi manyan a ubongu u ilyuci i pige i Afisu.

Bulus koronku ta Timoti u banga yi n manyan ma utono n kuwa ku Atoni ka kari a asu u nala vi. Adama a nala, ukanikorongi vi wa ta ushadangi n udyanshi a kaci ka tyoku da a ka dangasa nkoshi, n tyoku da Atoni a ka yan a a'ayin a da baci dem a bolomgbonoi tsara a yain manyan ma Yesu.

A'uwa a Atoni a tsunu gogo-na a woko ta asu u da Atoni a ka rotsongusu ukuna u mayun a kaci ka Kashila n tyoku da a ka yan manyan kabolo a bangambana, kpam n tyoku da a ka banga aza da a ka ciga ubanga. Ukanikorongi u na u wenishike ta nkoshi kpam u wokoi iryoci ubana a asu u Atoni.

Ili i'ya i'ari a tagarada u na vi

Idyani (1:1,2)

Idani a kaci ka uma u kuwa ku Atoni (1:3–3:13)

Ukunosavu a kaci ka ure u utono u Kashila u tsunu (3:14–4:5)

Adooki a Bulus ubana ara Timoti (4:6–6:21)

Ukukpa u kadyanshi

¹ Mpa Bulus uza da koronku da, kasuki ka Yesu Kirisiti Kawauwi, kpaci Kashila ka n Yesu a zuwai u woko nala.

Kashilā aya uza dā wauwa tsu, Kawauwi kpam aya uza dā tsu zuwai uma ara ne.

² A dā ma koronku ukuna u na vi Timoti, avu uza dā vāri maku ma maci ma vā adama a upityanangu. Kashilā ka Tata u tsunu, Yesu Kawauwi kpam aya Asheku a tsunu. Uciga u vā u dā, a nākā vu ukuna u shinga n asuvayali, kpam n uma u ndishi n shinga.

Kiranai n awenishiki a kaβan

³ An n banai a asuvu a uyamba u Masidaniya n tonuko vu tā vu shamgba a Afisu, tsarā vu tonuko ama roku a dā a ka wenishike uwenishike u kaβan a asākā. ⁴ Kotsu a rongo utono alabari a itete wa, kpam a nangasa a'ayin a le a unākā alabari a akaya wa. Uyansa nala wa zuwa tā kananamgbani ka gbani, kpam wa bāngā ama a yain ukuna u Kashilā wa. ⁵ Ili i'ya i zuwai va tonuko le nala i'ya, tsarā ko ya baci wāri pini a asuvu vi u yain n uciga u dā u tsu wutā a katakasuvu ka shinga n uyawunsa u ndishi n shinga kpam n upityanangu u dā wāri u mayun. ⁶ Shegai aza roku a shamgba pini nala, vi wa, a'ayin a dā a tsu nangasa koshi a asu u ukuna u gbani. ⁷ A ka ciga tā a woko awenishiki a Mele ma Kashilā, shegai a reve kalen ka kadyanshi ka le wa, gbā n udani u dā a danai a reve tā.

⁸ Tsu reve tā an Mele ma Musa ma lobonoi, uza u tono baci ma tyoku dā Kashilā ka danai. ⁹ Tsu reve tā kpam an bawu Kashilā ka yain Mele adama a aza dā a ka wala dere, shegai a adama a aza dā bawu a ka pana ukuna, n aryagbaji. U yan tā Mele adama a aza dā a 'yuwain Kashilā n aza dā a ka nususa. U yan tā dem ma adama a aza dā bawu a'ari mai n aza dā bawu a ka nākā yi karingā. Kashilā ka yan tā Mele adama a aza dā a wunai isheku i le ko anuku a le n aza dā a tsu wuna uma u vuma gbani. ¹⁰ U yain ma kpam adama a aza dā a ka vakusu n aka ko a'ali a dā bawu a'ari a le, n a'ali a dā a ka vakusu n atoku a le a'ali

ko aka a ɗa a ka vakusu n atoku a le aka. Kashilā ka yan t̄a Mele adama a aza ɗa a tsu bokuso ama ubana a tsugbashi. Kashilā ka yan t̄a kpam ma adama a aza a kaɓan n aza ɗa a ka yansa kaɓan a asu u afada. U yan t̄a Mele adama a ili i'ya ama a ka yansa i'ya bawu i'ari dere n uwenishike u mayun. ¹¹ Uwenishike u na w̄a t̄a dere n uwenishike u Kashilā u mayun u ɗa u naƙa mu tsarā n tonuko ama.

Ucikpa u Bulus adama a ili i shinga

¹² N cikpa t̄a Kirisiti Kawauwi, Asheku a tsunu, uza ɗa u naƙa mu ucira. U yawunsa t̄a u wushuku n̄a mpa kpam u naƙa mu manyan ma ma yanka yi. ¹³ Ko an u wokoi maɓi n tsu tonusuko t̄a Kashilā ukuna u cingi kpam ma yansa ama a ne mavura icun kau-kau. Shegai gb̄a n nala Kashilā ka yanka mu ukuna u shinga, kpaci a'ayin a ɗa n yain ukuna u nala vi, n reve ili i mayun wa, kpam n pityanangu n eyi wa. ¹⁴ Asheku a tsunu a yanka mu t̄a ili i shinga ushani. Adama a ukuna u shinga u ne ara v̄a u zuwa mu n pityanangi, u naƙa mu kpam uciga u ɗa Kawauwi ka wenikei ama.

¹⁵ Yesu Kawauwi u tuw̄a t̄a a likimba tsarā u wauwa aza a unyushi u cingi, kpam kadyanshi ka na ki mayun ɗa, u gan t̄a ya dem u wushuku n ka. Mpa maɓi n lai ya dem unyushi gb̄a a asuvu a ama. ¹⁶ Adama a nala, Kashilā ka pana mu asuvayali u zuwa mu n woko iryoci i ahankuri a Yesu Kawauwi a ɗa bawu a'ari n utyoku. Yan ɗa u yain nala tsarā ama a pityanangu n Kawauwi a tsarā uma u ɗa bawu wari n utyoku. ¹⁷ Tsu cikpalai Kashilā tsu naƙa yi kpam tsupige, tsu yain nala hal ubana bawu utyoku. Aya Magono ma bawu maɓi n utyoku, uza ɗa bawu a ka wene, kpam bawu wa kuw̄a. Aya koshi Kashilā. Ami.

¹⁸ Kahu a'ayin a na yi, ama roku a dana t̄a kadyanshi ka ili i'ya va tuw̄a va yan. Maku ma v̄a Timoti, kadyanshi ka v̄a ka na kpam ka ka te n kadyanshi ka ama a yain a kaci ka

vunu nala vi. Ma ciga t̄a vu shamgba n ucira, vu shilakana ibili i shinga a umodono u uyan ili i shinga. ¹⁹ A'ayin a da baci va yan nala vi, ma ciga t̄a vu shamkpa upityanangu u vunū vu zuwa katakasuvu ka vunū a asu u ndishi n shinga. Aza roku a wuna t̄a upityanangu u le a asu u da a 'yuwain utono ili i'ya uyawunsa u le wa tonusuko le. Adama a nala, upityanangu u le u namgba de tyoku da uwule u pige u tsu gbasha kpatsu ku mini ku t̄asa. ²⁰ Aza roku a da a yain nala vi alya Hamanaya n Alizanda aza da n nekei a asu u Kanangasi,* tsara a reve u gan a tonusuko Kashila ukuna u gbani wa.

2

Uwenishike a kaci ka ulya kayala

¹ Ili i'ya ma ciga n gita vu utonuko i'ya va yan, vu yanka ya dem kvasu. A'ayin a da baci va folo Kashila, vu foli Kashila ka pana le asuvayali, kpam vu cikpa Kashila. ² Tyoku da va yanka ngono kvasu n aza da a'ari n tsugono u da na. Yan nala tsara tsu tsara ndishi n shinga n ukpada u u'yangasaka. Yanyi nala tsara tsu rongo tyoku da Kashila ka ciga, kpam tsu rongo ugorimuko atoku a tsunu. ³ Uyansa nala u gan ta, kpam wa zuwa ta Kashila ka pana kayanyan. ⁴ Kashila aya uza da u wauwa tsu, kpam wa ciga ta u wauwa ya dem. Wa ciga ta ya dem u reve ili i'ya i'ari i mayun. ⁵ Kashila ka te ka, kpam uza roku da pini uza da u tsu uwa a mere ma Kashila n ama. Aya Yesu Kawauwi. ⁶ Aya u nekei kaci ka ne katsupi hal a wuna yi tsara u wushi ya dem. A'ayin a da u gain a naka alabari yi

* 1:20 Kanangasi; wata, "Shetan" kala ka dem ka Kalapansi.

a da a naƙai a da.* ⁷ Kadyanshi ka mayun ka gai la n danai vi gba, an n danai Kashila ka dangasa mu ta n woko kasuki n uza u kubari. Kadyanshi ka upityanangu u mayun ka u gain n wenishike Awulawa.

⁸ Adama a nala, a'ayin a da baci dem i bolomgbonoi tsara i lyaka Kashila kayala, ma ciga ta a'ali a saku akere a le a ka yan baci kvasu, kpm ma ciga ta akere yi a yain uwulukpi. Ama a da a ka yan kvasu ki ma ciga a yain n kananambani ko kpm asuvu a upan wa.

⁹⁻¹⁰ U gan ta aka a uka aminya dere a pala ikyamba i le adama a uvakunku u kaci. Tsulobo tsu le tsā ta a asu u ili i'ya a ka yansa, tsā a kuca ku kenji ko u'ukusa u ucanga u zinariya wa. Tsa wenike a asu u ityali† ko aminya a ikebe wa. U gan ta a kana kaci ka le a ili i nala yi.†

¹¹ Aka a gan ta a pana mai kpm a dusuku bini, kpm a gorimuko. ¹² N naka aka ucira a wenishike a'ali ko a lyai tsugono tsu a'ali wa. Aka a gan ta a dusuku bini. ¹³ Ili i'ya i zuwai nala i'ya, Adamu da Kashila ka gitai uyan, aku Hawa tonoi a kucina. ¹⁴ Kalapansi kpm uka da u lapanasai, aku unyushi u cingi u gitai. Kalapansi ka lapanasā Adamu wa. ¹⁵ Gba n nala, Kashila ka wauwa ta aka a asu u ilimaci, kpm u gan ta a pityanangu dem n Kashila, a wenike uciga a rongo kpm tyoku da Kashila ka ciga. U gan ta a rongo mai.

3

Tsupige a kuwa ku atoni

* ^{2:6} Ure u roku u da a ka fuda a dana kalen ka roku kau pini na u da: Ukpā u Yesu a unā u udarakpa iryoci i'ya i wenikei an Kashila ka wauwai ama gba i'ya. Iryoci i nala i tuwa ta a'ayin a da i gain i tuwa. † ^{2:9-10} Udani u Tsiheline "ityali i ikebe cika" icun i ityali i'ya a tsu tsara a nnama n mini i'ya a ka dansaka. Matiyu 7:1.

¹ Kadyanshi ka na ki mayun ɗa, uza u yawunsa baci u woko makoshiƙ ma Atoni, ukuna u shinga u ɗa wa ciga u yain. ² Makoshi ma ƙana ƙa ma rongo ndishi n ɗa bawu uza roku wa dansaka yi n ukuna u gbani. U ƙana ƙa u yain uza u uka u te, kpam u shamgba ara ne koshi. U ƙana ƙa u ƙana ƙa kaci ka ne, uza ɗa wa tono n kaci ka ne mai. U ƙana ƙa u yain n kala ka shinga. Uza ɗa u tsu kirana n amoci a kuwa ku ne mai. Uza ɗa kpam wa fuda wa wenishike. ³ U gan u woko kasoi she ma maka yi wa ko kashilakani wa. U gan ƙa u woko uza ɗa kabirika yi n ukuna wa, u ƙana ƙa kpam u cigi ndishi n shinga. U gan u woko kacigi ka ikebe kabirikete wa. ⁴ U gan ƙa u woko uza ɗa wa fuda wa tono n kuwa ku ne mai, mmuku n ne kpam n naka yi karinga a panaka yi. ⁵ Vuma fuda baci u tonoi n kuwa ku ne mai wa, niɗa wa fuda u toni n Atoni a Kashila? ⁶ U gan makoshi ma woko Katoni ka savu wa, kpaci wa yan ƙa aradi an u lazai u tsarai tsupige, pini nala, Kashila ka kidaga yi ugana tyoku ɗa u kidagai Kalapansi. ⁷ Hal n ama a ɗa a'ari a kateshe dem u gan ƙa a dansaka makoshi n kadyanshi ka maci, nala baci wari, ama a ka fuda a ka dana kagbani a kaci ka ne wa kpam Kalapansi ka fuda ka wanda yi wa.

⁸ Nala dem abangi a nkoshi, u gan ƙa a woko aza ɗa ama a ka panaka, kpam aza ɗa bawu a'ari n unu u re u re. U gan a woko asoi she ma maka le wa, u gan a woko a cigi a ikebe kabirikete wa. ⁹ U ƙana ƙa a woko aza ɗa a nakai kaci ka le a ukuna u mayun u ɗa Kashila ka wenike tsu a upityanangu u maci. U ƙana ƙa a rongo uyansa nala n uyawunsa u ndishi n shinga. ¹⁰ Kahu ama a dangasa abangi a nkoshi, u ƙana ƙa a kondo le n manyan ma roku a kagata ka Atoni, a fuda baci a yain mai, aku a dangasa le.

¹¹ Nala dem uka u kabangi ka nkoshi,ƙ u ƙana ƙa u woko uza ɗa ama a ka panaka, kpam kotsu u woko uza ɗa u tsu

◇ 3:8 Ask. 6:1-7.

dansaka ama n ukuna u cingi wa. U gan ta u woko uza da u kana kaci ka ne kpm ko ndya baci wa yan u yain i'ya n katakasuvu ka te.

¹² Kabangi ka nkoshi† ka gan ta ka yain n uka te, kpm u shamgba ara ne koshi. U kana ta u toni na mmuku n ne mai, kuwa ku ne kpm u fuda u kirana n ka. ¹³ Abangi a nkoshi a da a'ari mai, ama a ka naka le ta karinga, katsupi ka malen ma manyan ma le ka la vi, kpm ucira u upityanangu u le a asu u Yesu Kawauwi, wa doku ta.

¹⁴⁻¹⁵ Ma ciga ta n tuwa ara vunu na n a'ayin kenu, shegai n da asaka ve n koronku vu, tsara n tsara baci utuwa kaku wa, vu reve tyoku da ama a Kashila a gain a rongo. Kpm ama a na yi alya aza da a wushuki n Kawauwi kpm a wokoi ama a Kashila Uza u Uma. Alya Atoni, kuwa ki kpm ka adawatsu n kami ka ukuna u mayun.

¹⁶ Ukuna u maci u pige u upityanangu u tsunu u da na, u da Kashila kari ka sokonku tsu hal utuwa gogo-na:

Kawauwi ka tuwa ta n ikyamba i vuma

kpm Kulu ku Kashila ku dana ta u rongo ta mai.

Atsumate a zuba a wene yi ta,

kpm a tonukoi gba aletsu ukuna u ne.

Ama a asu kau-kau a likimba a pityanangu ta n eyi,

Kashila kpm ka canga yi ubana a zuba. ◇

4

*Ku*bari a kaci ka awenishiki a kaƙan

¹ Kulu Keri ku dana ta a'ayin a makorishi, ama a ka asaka ta upityanangu u mayun, aku a gono a toni uwenishike u gbani u uwule u cingi u mayinsaka n uwenishike u ityoni i cingi. ² Ama da a tsu wenishike ili, aku a gono a toni ukuna u roku de kau, icun i le i'ya i tsu tuko uwenishike u uwule u cingi vi. Icun i ama a na yi uyawunsa u le u kuwa de tyoku

◇ 3:16 Rom. 1:4.

u ikyamba i'ya urim u shen u runukpai. ³ Icun i awenishiki a na yi a da u gan uza u yain iyolo wa, kpam a da ilikulya i roku i'ya pini i'ya a ka wile. Shegai Kashilā ka yan tā ilikulya yi adama a aza dā a revei ukuna u mayun kpam a wushuki n u dā a ka fudā tā a lyai i'ya hal a cikpa Kashilā. ⁴ Cinda gbā ili i'ya Kashilā ka yain i lobono tā, u gan tsu 'yuwan ko ili wa, tsu wushi i'ya n ipeli n katakasuvu ka te. ⁵ Tsu reve tā an i wokoii uwulukpi a asu u kadyanshi ka Kashilā n kvasu.

⁶ Vu wenishike Atoni ili i na yi, vu yan baci nala, va woko tā kagbashi ka shinga ka Yesu Kawauwi. Avu kpam dem va gbama tā a asuvu a kadyanshi ka mayun ka tsu wushuki n ka n uwenishike u mayun u dā va tono. ⁷ Kotsu vu wushuku n itete i'ya bawu ya nākā Kashilā karingā kpam bawu i'ari n kalen wa. Ili i'ya va yan i'ya na: Mātsa vu yain n ucira a asu u utono u Kashilā mai. ⁸ U gan tā uza u mātsa u sukutā ikyamba i ne tsarā u zuwa i yain n ucira, shegai uza u yain n ucira n ahali a shinga tyoku u Kashilā, u la tā ko ndya wa kalen. U lobono tā tyoku dā vāri gogo-na, wa woko vu tā kpam mai ubana a uma u dā wa tuwā a kapala.

⁹ Kadyanshi ka na ki mayun dā kpam u gan tā ya dem u wushuku n ka. ¹⁰ Tsu mātsa tā manyan kpam tsu panai ikyamba cika, tsarā ama a wushuku n ukuna u mayun. Yan dā tsu yain nala kpaci uzuwa u uma u tsunu wā tā a asu u Kashilā Uza u Uma kpam aya u wauwai ama gbā hal gai aza dā a pityanangi n eyi.

¹¹ Wenishike ili i na yi, kpam vu shamgba vu wene ya dem u yan tā i'ya. ¹² Kotsu vu asākā uza u goro vu an vāri maku wa, shegai vu woko iryoci a asu u Atoni gbā. A asu u kadyanshi ka vunu, n tyoku dā va rongo n uma u vunu, n tyoku dā va ciga ama, vu woko iryoci. U gan tā vu woko iryoci a asu u upityanangu u vunu, n tyoku dā va kānā kaci ka vunu n uwulukpi. ¹³ Yansāka ama kāneshi u Tagarāda u

Kashilā, vu tonusuko le kpam n vu wenishike le hal a'ayin a dā ma tuwā ara vunū. ¹⁴ Kotsu vu kpaḍa uyanka kune ku Kashilā ka ne vu manyan wa, a'ayin a dā baci nkoshi n kagata ka Atoni n tadanku vu akere a zuwuka vu unā u shinga a dansai akani a Kashilā kaci ka vunū.

¹⁵ Zuwa a'eshi vu yain ili i na yi mai, vu ṅaka kaci ka vunū a asu u manyan vi tsara ama a wene ulya u kapala u vunū. ¹⁶ Zuwa a'eshi ara vunū mai hal n uwenishike u vunū dem. Vu matsa vu wene vu yain ili i maci, Kashilā ka wauwa vu ta, u wauwa kpam aza dā a ka pana ka vu.

5

Adooki a kaci ka udansa n ama

¹ Kotsu vu barana makoshi n asuvu a shen wa, shegai vu toni n eyi yavu tata u vunū u dā. Vu dansa n alobo yavu atoku a vunū a dā va dansa n ele. ² Yanka mmici tyoku dā va yanka mma u vunū. Vu yanka nkere tyoku dā va yanka ataku a vunū n uwulukpi.

³ Atoni a kirana n marana ma baci dem bawu mari n uza dā wa kirana n eyi. ⁴ Shegai wa baci na mmuku ko mmuku n tsikaya, u kana ta a rotsongusu tyoku dā a ka wenike aza a kuwa a le ukuna u shinga u Kashilā a asu u ukirana n isheku i le. Kpaci nala a ka tsupa isheku i le ili i'ya a yanka le, kpam wa zuwa ta Kashilā ka pana kayanyan.

⁵ Uka dā baci wari marana ma mayun uza dā bawu wari n uza dā wa banga yi gba gba, icun i ne uzuwa u uma u ne a asu u Kashilā dā wari. U tsu rongo ta a ufolu a asu u Kashilā kaara n kayin, n u yansi kvasu a'ayin dem. ⁶ Shegai marana ma ma ciga upana u kayanyan, kakushe ka asuvu a katakasuvu ka ne, ko an wari n uma. ⁷ Wenishike Atoni gba ukuna u na vi tsara a woko uwulukpi a kapala ka ama. ⁸ Shegai ama a dā a 'yuwain ukirana n amaci a le hal gai

a'uwa a le, a wushuku n i'ya tsu wushuki wa. Ama a nala a la ta gbam aza da bawu a pityanangi unamgba.

⁹ Marana ma ma gain ma wushi ubanga, u gan ta u yain uza da u rawai ayen a amangatatsu kpam uza da wari u rongoi n vali u ne mai. ¹⁰ Kpam u kana ta u woko uza da ama a ka pana n eyi adama a ili i shinga i'ya u yain; wata, u rongo na mmuku n ne mai? U tsu wusha amoci mai? U vakunku kaci ka ne a asu u ugbashika Atoni? U banga aza da a ka pana ikyamba? U yansa ili i shinga?

¹¹ Kotsu Atoni a zuwa nana n da bawu n yain mmici a asuvu a aza da a ka banga wa. Kpaci a'ayin a da baci uciga u vali u 'yanga le wa pece le ta n uyanka Kawauwi manyan, aku a cigi a yain iyolo. ¹² Pini nala, unyushi wa kana le ta cinda a kpadai utono kazuwamgbani ka a yain n Kawauwi a kagita.* ¹³ A ka fuda ta kpam a woko awonvoli, a woko aza a utono a'uwa a ama n a dansaki ama. A ka pana ta maluwa ma ukuna u ama n a dansi kadyanshi ka bawu ka gain a dansa. ¹⁴ Adama a nala, adooki a da ma naka nana n kenu n na mi a da a yain iyolo i roku. A matsa mmuku, a kirana n kuwa ku le, pini nala, utokulalu u le wa tsara asu da wa dansa kadyanshi ka gbani a kaci ka le wa. ¹⁵ Aza roku a le gbam a asaka de ure u mayun vi a kana utono ure u Kanangasi.†

¹⁶ Uka u da wari Katoni wa baci n amaci aza da a'ari nana, u kana ta u kirana n ele, shegai u asanka Atoni manyan wa. Atoni kpam a kirana na nana n da bawu mari n abangi.

* 5:12 “ukpada utono kazuwamgbani n Yesu” A'ayin a nala yi kahu a banga marana n ili ushani, she u yan kazuwamgbani n Atoni wa ya kpam iyolo i roku wa, kpam wa ugbashika ta Kawauwi. † 5:15 Kanangasi; wata, “Shetan” kala ka dem ka Kalapansi.

¹⁷ Nkoshi n kuwa ku Atoni n da n yain manyan ma le mai, u gan ta a naka le tsupige kpam a tsupa le. Hal gai a kaci ka aza da a ka dansa kadyanshi ka Kashila n aza da a ka wenishike ama ukuna u Kashila. ¹⁸ Ili i'ya a korongi a kadyanshi ka Kashila ki i'ya na, "Va kimba una u kanaka a'ayin a da wa lapa ilya wa." A doku ta a korongi kpam, "Kayain ka manyan ka gan ta a tsupa yi."

¹⁹ Kotsu vu wushuku n kadyanshi ka a tuko vu a kaci ka makoshi wa, she vu tsara aza da a kanakai uza da tukoi kadyanshi ki hal ama a re ko ama a tatsu. ²⁰ Uza da baci dem u nusai, barana yi a kapala ka Atoni, tsara aza da a buwai a pana uwonvo u unusa. ◇ ²¹ A kapala ka Kashila ka n ka Yesu Kawauwi n ka atsumate a zuba aza da Kashila ka dangasai ka ma yanka vu kadyanshi ka na ki, kpam vu toni udani vi. Kotsu vu cigi uza roku kapala n uza roku wa ko vu yain kudyangi wa.

²² A'ayin a da baci va dangasa azapige, kotsu vu yain maloko vu tafanku uza akere wa. Kotsu vu bolomgbono kaci ka vunu n aza roku a asuvu a unyushi u cingi u le wa, shegai vu takpa kaci ka vunu kau n uwulukpi.

²³ Mini ma de ma va rongo uso wa, vu yain n vu bolomgbonusi kenu n mini ma cinwi adama a mbala n katsuma n unambi u alafiya u da va yansa maco vi.

²⁴ Ma ciga ta vu reve, aza roku a tsu yan ta unyushi u cingi kpam ama a reve n u da a kateshe kahu gbam a yanka le afada. Shegai aza roku unyushi u cingi u le n kucina ka ama a ka tuwa reve n u da. ²⁵ Nala dem, aza roku a da pini aza da ama a ka reve n manyan ma shinga ma le, shegai ma aza roku n kucina ka ama a ka tuwa a reve n ma.

6

¹ Atoni a da a'ari agbashi, u kana ta a naka azakuwa a

◇ 5:20 Mat. 18:15-17.

le tsupige, tsarā ama a dansa kadyanshi ka gbani a kaci ka kala ka Kashilā ko kpm uwenishike u ne wa. ² Atoni a da baci a'ari agbashi a azakuwa a le dem Atoni, nala wa zuwa kagbashi ki ka kpaḍa unaka uzakuwa vi tsupige wa. Shegai u matsa u yanka uzakuwa vi manyan kpaci uza da wa lya kalen ka manyan ki Katoni ka dem, kpm uza da kagbashi ki ka ciga aya. I'ya va wenishike kpm vu tonuko Atoni yi a yain i'ya la vi.

Utsari u maci

³ Awenishiki a kaban a roku a ka 'yuwan ta ukuna u na vi, kpm uwenishike u na vi u ucira u da u Yesu Kawauwi Asheku kpm u da kami ka uza wa rongo tyoku da Kashilā ka ciga. ⁴ Gba uza da baci wa wenishike uwenishike u roku de kau, wa ta n aradi, kpm u reve ili wa. Iacun i vuma u nala wa ta n katakasuvu ka kananamgbani ka cingi ka kalen ka idani. Nala kpm wa zuwa ta ama malyon, wa zuwa ta kpm ama kushulu. Wa zuwa ta ama a nangasa aza a le a asu u kadyanshi ka gbani. Wa zuwa ta kpm ama a bidya aza a le n ukuna u gbani a atakasuvu a le. ⁵ Iacun i ama a na yi a tsu tuko ta kadambula a asu u ama. Uyawunsa u le wa ta n tsicingi. A'a n ukuna u mayun wa. Utono u Kashilā u le u woko le de ubolo u utsari.

⁶ Shegai utono u Kashilā a ure u maci u tsu zuwa ta ama a yain ipeli n ili i'ya a'ari n i'ya, utsari u maci kpm u pige u da gai la vi. ⁷ Kain ka a matsa tsu, tsu tuwa n ili a likimba na wa. Nala kpm kain ka tsa kuwa tsa laza n ili wa. ⁸ Tsu tsara baci ilikulya n aminya a u'uka nala dem u ratsa tsu ta. ⁹ Shegai aza roku a tsu ciga ta a yain n utsari cika, an a ka ciga ili i gbani, pini nala, aku a rukpa a asuvu a ukondo kpm a wanda le n ili i'ya ya nangasa le hal i banka le a kadambula a nangasai kpm ama n ili i roku. ¹⁰ An u wokoi uciga u ikebe u da kagita ka tsicingi, aza roku adama a

uciga u utsari a shamgba a upityanangu u le wa, kpam a ronukoi kaci ka le kadambula cika.

Bulus naƙai Timoti adooki

¹¹ Shegai avu Timoti vuma u Kashila, u kana ta vu suma ukuna u cingi u nala vi, vu toni ili i'ya i'ari dere vu yain kpam i shinga. Vu rongo uma u vunu tyoku da Kashila ka pana kayanyan n upityanangu. Vu wenike uciga n ahankuri vu yain manyan ma vunu n asuvu a ndishi. ¹² Vu shilakana ibili i shinga adama a upityanangu, vu kana uma u da bawu wari n utyoku, u da Kashila ka naka vu. Vu yanka ta ama ushani kadyanshi ka shinga ka na ki.

¹³ A kapala ka Kashila, uza da u tsu naka ili gba uma, ka ma rono vu atsuvu kpam a kapala ka Yesu Kawauwi uza da danai kadyanshi ka shinga a kapala ka Bontu Bilatu.† ¹⁴ Vu pana udani u ne n katakasuvu ka vunu sarara tsara ama a dana ukuna u gbani a kaci ka vunu wa. Kpam ko uza wa kana vu n unyushi wa hal Asheku a tsunu Yesu Kawauwi u gono. ¹⁵ Kashila ka wenike ta Yesu a'ayin a da u gain u wenike yi vi. Kashila aya u rawai a cikpala yi, aya Uzapige u Tsugono, Magono ma ngono, Asheku a isheku. ¹⁶ Aya koshi bawu wa kuwa, kpam wa rongo a katyashi ka bawu uza wa fuda wa raba. Ko uza kotsu u wene yi wa, kpam uza wa wene yi wa. Aya tsa naka tsupige kpam ucira u ne wa n utyoku wa. Ami.

¹⁷ Tonuko aza a utsari a likimba kotsu a yain aradi ko a pityanangu a utsari u le wa, kpaci wa barakpa wa. Shegai a pityanangu n Kashila uza u uma, uza da kpam u tsu naka tsu i'ya tsa ciga gbani tsara tsu pana kayanyan. ¹⁸ Tonuko le a yanka utsari u le ili i shinga, a yain manyan ma shinga, kpam a neke yaa, a banga kpam aza da bawu a'ari n ili. ¹⁹ Nala wa zuwa le ta a zuwusuka kaci ka le utsari a zuba u da wa woko le kami ka uma u le a kapala, kpam a tsara uma u maci gogo-na.

²⁰ Timoti, gānā i'ya Kashilā ka nākā vu vu kirana n i'ya mai. Vu suma uyansa kadyanshi ka gbani n aza dā a tsu goro kadyanshi ka vunu n ureve u roku kau u dā a danai a'ā n u dā. I cun i kadyanshi ka nala ki ka tsu tuko Kashilā tsupige wa. ²¹ Aza roku gbām a asākā dē ure u dā a pityanangi vi a adama a utono icun i uwenishike u nala vi.

Ukuna u shinga u Kashilā u toni n avu n gbā Atoni a dā a'ari pini a asu vi.

Kazuwambani ka savu n Tsikimba n aβon a dā a
dangasai a kazuwambani ka cau
New Testament in Tsikimba (NI:kdl:Tsikimba)

copyright © 2010 Wycliffe Bible Translators, Inc.

Language: Tsikimba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tsikimba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-05-05

Updates
eBible.org

PDF generated using Haiola and XeLaTeX on 17 Nov 2018 from source files dated 2 Sep
2018

a4f6a28b-3d6d-50b4-a81b-06ae05a66010